


蘭雪堂古事苑定本

序

夫斑文重錦非獨繭之絲粹白良
裘詎一狐之腋物固有之學亦宜
狀故總括群篇七畧興於子政網
羅往事四部著於公曾類聚群分
編同別異誦者既逸纂者代繁宋



撰志於秘書梁著錄於處士書鈔
學記輯自李唐策府志林集於趙
宋錦繡之谷義瓦芳華珠玉之英
意歸重寶酉陽庚巳之號配夫干
支麟角雞跖之名紀乎鳥獸然而
集先採古患其猶疎遠覽旁搜失

之寡要或瑣言碎錄無當於大方
或述異搜神有同乎稗說求其用
弘取精舉博該約茫々往矣戛々
難之惟饒安鄧子古事苑一書分
門六十摘詞數千大極蒼昊黃輿
細兼蟲魚草木倫常政事之則靡

不盡編神仙物恠之奇亦且并錄
詞端俳儷折旋徐庾之堂言取標
新爭長王楊之座綴龍文而舒鳳
彩擷秋實而採春華殷響鏗然若
八音之協暢色澤絢矣如五色之
相宣誠博士之書林文人之詞圃

也予少嗜古每喜營書獲覩斯編
披尋勿倦值右文之

聖主際化成之隆時曲水羽觴羨多
聞於東暫臨平石鼓慕博物於張
華詮釋是增叅稽靡闕因懸市上
不秘帳中或謂廣博之弊易以溺


心浮華之章何能載道不知使麗
詞當廢閱覽可遺必典墳丘索之
書不稱於倚相實沈臺駘之辨無
美乎國僑藻火宗彞虞書罕載騶
虞麟趾周咏無聞豈通論哉何渺
見也則治聞殫見固為饋貧之糧

編旨英詞實乃華國之要在管事
文事鑑之集皆以事名說苑類苑
之編俱以苑號此書取義不外程
先吾知得茲集者有所潤色可免
誚於兔園若欲考求無貽譏於獺
祭侍乎

鰲禁堪克

顧問之班薦自鶚章無愧博宏之選
矣

康熙丙寅夏五之望西泠戴璫湯題



古事類序

蓋聞一畫孕靈兩儀分於軌
星疑生出參九躔剖闔
何世而不新也何事而弗古
焚胥呂散采旺司視或不能殫
黃虞而降毛錐子墨所可悉窮

聖哉東魯

先師特總問奧辯而先以博猗
與鹵蜀楊子謂通天地而舍
白孺是旨崇雅出倫藎頌二酉
疑挂一漏萬有餘曠觀出士睇
眄子佩欲言立耳三不朽認躋

曉日惡鳥陋取蕭昆出貽嘲辨
臺駘新沐神哉爾古孫之見賞
稗史澌潛曠典祿茫文瀟瑟破
於寶中方七襄成舌腕下爰多
景率氏菽茹丈人詞壇高品不
狸不須夾史亦否狸詮古事出

白眉已來漢內之青睞茲擴百
家典故綴旨卯翰豔碎貫五編
珠和入龍宮出貝室引商刻羽
若葵桂關之韻玉接太乙蒸光
銷沈不知歲月窺玉壘脈期歷
閱幾許譽煥齟鄴席架且出書

側邊生腰中出穠貧穿月露依
稀太玄亭丘州揜昧風雲宛轉
文通筆底筆托品隲于場螺官
成戾裏三獠寄彈射於月旦誰
識眼中一人次以帑編貽諧同
好婢搽觚畧拈對兼用金玉異

相令嗜古器流覽還見宮第奪
目不私枕中出秘用播流傳試
看國門出縣飢爲增減不佞菲
才好茲雖帙久會姦字於禁編
求異及生偶接營穀于蘭契受
斯雅集而交讀敬駢鄙言於簡

金鑑

全學潭易余獲弘陟瞻甫撰



卷林觀聽基履亭氏書



蘭雪堂古事苑定本目錄

饒安

鄧志謨景南

編輯

古閩

余應虬陟瞻

校閱

戴珉潔澄

西泠

戴璵瀾石

叅訂

戴琰師曾

禮

一卷

天文

地理

古事苑

目錄

尚書堂

時令

二卷

君道

文職

武職

樂
三卷

倫行

宗族

朋友

師生

賓主

四卷

英賢

廉潔

忠直

恬淡

力量

勇敢

射五卷

幼穎

耆英

婚姻

女子

寵妾

妓女

六卷

人品

人事

傷逝

御七卷

文章

學術

技藝

仕進

富貴

貧賤

薦拔

亨達

八卷

仙佛

神仙

梵釋

鬼神

書
九卷

形體

丰美

醜劣

衣服

珍寶

宮室

十卷

文具

武具

樂具

雜具

教
十一卷

飲饌

蔬菜

穀食

果品

百花

衆木

羣草

十二卷

飛禽

走獸

畜產

水族

昆蟲

雪堂古事苑定本卷之一

饒安 鄧志謨纂 編輯

戴 珉潔

西冷 戴 璵瀾石 參定

戴 琰師會

天文

天曰大圓。日稱陽德。列缺是迴光疾電。白榆爲天上衆星。涿鹿野中雲絲分華蓋。栢梁臺上露潤浥金莖。甘雨和風。必是華胥之國。碧霜紺雪。除非姑射之山。瞻放勳

之天巍巍蕩蕩望春陵之氣鬱鬱蔥蔥女媧煉石補穹
蒼撥開煙霧博望乘槎汎河漢搖動星辰附寶孕而赤
電繞樞荆軻歌而白虹貫日颺神鼓浪爰居避渤海之
風電氣燕山石燕舞零陵之雨越犬向鵝毛雪中號走
冥鵬從羊角風上扶搖東先生禱三日霖僉謂精誠畢
至張道士作五里霧咸稱法術頗精天街上雨潤如酥
仙苑中露甘似乳魯邦政弱三冬無殺草之霜安已化
醇九夏絕損禾之雹蘇武嚙海邊之雪寒沁忠脾宋人
負簷外之暄煖融貧骨白衣蒼狗妙哉杜老之喻雲縞

帶銀杯。巧矣韓公之咏雪。御史雨旣沾。旣足鄭公風。一
往一來三言退。焚惑哲后無凶。一箭落櫓。槍妖人不吉。
轅門外。冬無積雪。由軍屯之喜氣而銷。陸地上。夏有嚴
霜。是忠烈之怨懷所結。歷稽造化。不盡編摩。天氣輕清。
不墜杞人之獨憂也。奚爲日輪迅速如飛。夸父之欲追
焉。何及。

唐文選云。恢恢大圓。類書云。日爲陽德。又曰。陽景。

文選云。列缺。睢其照夜。列缺者天隙電照也。古詩有云。天

上何所有。歷歷種白榆。史記黃帝與蚩尤戰於涿

鹿之野有五色雲氣金枝玉葉結花葩之象覆於帝
上因作華蓋漢武起柏梁臺作金莖上有仙人掌
擎玉杯承露和王屑飲之云可長生黃帝夢至華
胥之國國民人樂育其國和風甘雨姑射山仙山名
在海中其中皆碧霜紺雪非人間所有者射音夜漢
光武生赤光照室影如五麟七鳳望氣者見春陵城
郭曰佳哉鬱鬱蔥蔥通鑑云共工氏與祝融氏戰
不勝頭觸不周山而死天柱折地維缺女媧氏乃煉
五色之石以補青天六瓜婦音漢張騫封博望侯使

西域往尋河源乘槎直汎斗牛之間。帝王世紀黃
帝之母附寶見大電光繞北斗樞星感之而孕二十
四月乃生帝日角龍顏。燕荆軻入秦刺秦王太子
丹送於易水之上。荆軻爲壽歌曰風蕭蕭兮易水寒。
壯士一去兮不復還。時精誠感天。白虹貫日。嶺表
錄云南海秋夏間有雲物如虹長六七尺見則颶風
必發故曰颶母其風一發雞犬不寧。颶音其俗作颶國語
海鳥曰爰居止魯東門之外。臧文仲使國人祭之。展
禽曰今茲海其有災乎。廣川鳥獸恒智而避其災是

歲海多大風。地輿志云零陵山多石。燕遇風雨起。而羣飛。雨止仍復爲石。越地多溫氣。冬少雪。每有雪。羣犬驚吠。倉皇者。連日不止。莊子逍遙篇北冥有魚。其名爲鵬。鵬之大。不知其幾千里也。化而爲鳥。其名爲鵬。鵬之背。不知其幾千里也。怒而飛。其翼若垂天之雲。鵬之徙於南冥也。水擊三千里。搏扶搖羊角而上者九萬里。去以六月息者也。行風晉束皙天旱禱雨。雨大降。民歌曰。束先生通神明。請天三日甘雨霖。我黍以育我。一生何以酬之。報束先生。

後漢張楷字公超。隱居弘農。學者隨之所居。成市。能爲五里霧。後華山南遂有公超霧市。天街小雨。潤如酥。坡公詩。地輿志云。凡仙苑中。露甘似乳。號天乳。唐人賀甘露表云。神漿可挹。流珠九戶之前。天乳自零。凝照三階之下。左傳。魯僖公卽位。隕霜不殺草。爲嗣君微弱。臣威強故也。漢韓稜爲下邳令。鄰縣皆電殺傷禾稼。惟稜有德政。其縣境獨無詔書褒美之。漢蘇武使邊。羈身邊外。武不屈。食毡噉雪。噉同敵音咬沁。七禁切。侵去聲。列子。昔宋國有田夫。常衣縕袍。僅

以過冬。暨春自曝於日。不知天下之有廣廈溫室。綿
續狐貉。顧謂其妻曰。負日之暄。人莫知其美者。以獻
吾君。將有重賞。聞者笑之。杜詩云。天上浮雲如白
衣。斯須改變成蒼狗。蓋言人情變態。世事遷移之意。
韓公咏雪詩云。隨車翻縞帶。逐馬散銀杯。唐顏
真卿爲御史時。平原有冤獄。久不決。天大旱。真卿到
郡。決獄而雨。時人呼爲御史雨。會稽錄云。射的山
南有白鶴山。此鶴爲仙人取箭。鄭弘嘗採薪於此。得
一遺箭。頃有人來覓。弘還之。問何所欲。弘知其神人。

也。乃曰：患若耶？溪載薪爲難。願旦南風，暮北風，後果然。至今如故，呼爲鄭公風。宋景公時，熒惑守心。子韋曰：此凶星也。禍當君，可移於相。公曰：宰相所以共理國家，曰可移於民。公曰：民死將誰爲？君曰：可移於歲。公曰：歲饑，民必死。子韋曰：君有德言者三，其熒惑必徙矣。果徙三舍。瑞星曰：景星亦曰德星，形如半月，助月爲明。妖星曰孛星，曰彗星，亦曰橈槍。橈槍長星也。俗云：掃帚星。橈初銜切，捕平聲，槍音鏘。唐李紳鎮揚州，章孝標賦春雪詩有云：朱門到曉難盈尺，盡是三軍喜。

氣銷。神覽而奇之。淮南子云。鄒衍忠於事燕。燕王惑於讒。繫衍於獄。仰天而哭。夏五月。天爲之降霜。列子云。杞人有憂天墜者。身無所寄。廢於寢食。有曉之曰。天積氣耳。奈何而崩墜乎。其人曰。天果積氣。日月星辰不當墜也。曉者曰。日月星辰亦積氣之有光耀者。縱使墜。不能中傷其人。始釋。列子。夸父欲追日影。逐之於暘谷。渴欲得飲。將北飲大澤。未至道。渴而死。棄其杖。膏肉所浸。生鄧林。彌廣數千里云。

天文二

天○說○焰○摩○虹○云○挈○貳○羲○和○實○爲○日○御○織○女○固○是○天○孫○陰
氣○不○消○玉○兔○儲○精○當○月○窟○陽○剛○弗○熄○燭○龍○啣○火○照○天○門○
中○台○爲○鼎○鼐○之○司○東○壁○是○圖○書○之○府○星○分○前○後○太○了○及
庶○子○可○占○雷○辨○雌○雄○早○年○與○潦○年○互○見○彩○雲○橫○碧○漢○下
隱○賢○人○青○氣○屬○蒼○穹○中○藏○奇○女○暑○清○唐○殿○水○晶○盤○內○出
寒○冰○澤○灑○堯○封○瑪○瑙○甕○中○分○瑞○露○魯○陽○苦○戰○揮○西○日○日
返○戈○頭○諸○葛○神○機○祭○東○風○風○迴○纛○下○四○時○分○稜○書○魯○僖
臺○上○之○雲○五○夜○光○輝○愛○庾○亮○樓○中○之○月○民○不○饑○禾○今○有○

雨國無亂木也。無冰成帝封戚屬諸侯。四郊濃霧。商王
賁。朕躬六事千里甘霖。融雪汁而烹茶。陶學士許多風
味。吸露華而潤肺。楊貴妃別樣精神。憶友興濃雪夜。沉
王生之掉。感親念切。霜晨操。尹子之琴。狄公洗日者功
宏。韓相捧天者夢。好雨金雨粟。允是奇聞。擊柱擊碑。孰
非異事。雪飄瑞葉。玄神撒下。瓊瑤霜縷。奇花青女。布成
圖畫。風可解重華之愠。雲堪紀黃帝之官。少微宿隕。知
處士之窮年。太白星明。覘文人之瑞世。衛國伐邢。偏致
雨。天意攸存。楚王圍漢。忽遭風。帝心有在。

焰摩天者玉帝所居之天。爾雅蟠螭虹也。雄曰虹。雌曰霓。一名挈貳。山海經云、東南海外有羲和之國。有女子名曰羲和。是爲日御。織女、天帝之孫。故織女曰天孫。張衡靈憲云、日陽精積而成鳥象。鳥者陽之精。其數奇。月陰精積而成獸象。兔者陰之類。其數偶。山海經云、鍾山有神。視爲晝。瞑爲夜。名曰燭龍。天不足西北。無陰陽消長。故有龍啣火以照其天門。三台星、中台爲公卿。東壁星、主天下圖書。明則人君好文圖書。集故唐張說詩云、東壁圖書府。

西園翰墨林。晉天文志三星天王正位也。中星曰明堂正位。前星太子星。後星庶子星。師曠曰雷初發其音格格霹靂者乃雄雷旱氣也。其音依依不大霹靂者乃雌雷水氣也。京房易候曰四方常有太雲五色具而不雨其下有賢人隱焉。漢武東幸見有青氣屬天占者曰必有奇女往視之見一女在巖穴中手皆拳衆撈之不開帝自披之乃開納爲妃號拳夫人。唐文宗夏月間以水晶盤盛冰賜羣臣合殿中無暑。十洲記云黃帝時丹丘國獻瑪瑙甕甕

中注甘露至堯時猶未竭號寶露淮南子魯陽公
與韓構難戰酣日暮援戈揮之日返三舍周瑜欲
發兵破曹冬月間無東風瑜患之諸葛亮乃登壇祭
之瑜視旗纛皆飄而西因大驚焉周保章氏以五
雲之物辨吉凶水旱豐荒之禮象雲氣青爲蟲白爲
喪黑爲水赤爲兵黃爲豐年音侵義同魯僖元年
分至日登臺書雲物晉庾亮鎮武昌中秋夜佐吏
殷浩之徒乘月登南樓嘯咏亮忽至衆欲散亮曰老
子興亦不淺據胡牀談詠至旦胡牀交椅也晉武朝十

一月陰霧凝凍。封樹木旬日不解。范曄以爲木冰。亦謂之樹稼。又謂之樹介。介。兵象也。果爾。應邊境之亂。漢成帝時。外戚王氏五人同日封侯。其日黃霧四塞。成湯時大旱。湯禱於桑林。以六事自責。曰。政不節歟。民失職歟。宮室崇歟。女謁盛歟。苞苴行歟。讒夫昌歟。禱畢大雨徧數千里。宋陶穀得黨家姬。冬月取雪水烹茶。與姬飲。問姬曰。黨家有此樂否。姬曰。彼武人。安有此。但於銷金帳中。飲羊羔酒耳。穀大慚。開元遺事。貴妃宿酒初消。苦肺熱。晨遊後苑。口吸花。

露以潤肺。世說王子猷居山陰夜大雪眠覺開室
命酌酒四望皎然因起彷徨詠左思招隱詩忽憶戴
安道時戴在剡即便夜乘小船就之經宿方至造門
不前而返人問其故王曰吾本乘興而來興盡而返
何必見戴安道耶。尹吉甫聽後妻之言逐孝子伯
奇伯奇自傷無罪清晨履霜援琴鼓之因作履霜操
唐狄梁公贊云洗日虞淵。朱韓琦夢以手捧天
者再其後援英宗於藩邸翼仁宗於東宮。帝王世
紀云大禹時天雨金蒼頡時雨粟。晉夏侯玄倚柱

讀書暴雷擊破其柱衣服焦然真神色自若。朱宣和殿立姦黨碑害於忠良忽一夕雷擊碎之衆稱快。

述異記云雪乃天上瑞木開花。玄神玄冥司冬

之神。宋慶曆中秀州屋瓦上有霜成花如牡丹芍

藥海棠萱草之類枝葉皆具。青女司霜之神。史

記黃帝以雲紀官謂之雲帥如縉雲氏則一官也。

檀道鸞續晉陽秋曰會稽謝敷字慶緒隱若耶山忽

月犯少微星少微一名處士星時戴逵名重於敷時

人憂之俄而敷死故會稽人士朝之曰吳中高士求

死不得。太白星，西方宿名，長庚也。李白生，其母夢
太白入懷，故字曰太白。左傳：衛大旱，甯莊子曰：昔
周饑，克殷而年豐，今邢無道，天或者欲使衛討邢乎？
衛侯從之，興師而雨。史記：楚圍漢於滎陽，忽大風
起，揚沙塵石，楚軍大亂，漢王乃得以數十騎遁去。

天文三

雷聲發響。玉虎晨鳴。月魄流光。銀蟾夜度。曰颺。曰颺。曰
扶搖。孰噓吸。是孰披拂。是曰霹。曰漚。曰霹。霖我沾濡。斯
我潤澤。斯寒冽斗杓邊。清不清於沆瀣。馳驅雷部下。急
莫急於律令。月離畢而雨候將徵。星孛辰而火災乃見。
靈霽出令。震驚乾坤。太乙司權。鼓鑄造化。雨奚童爭日。
如盤如湯。二辯士論天有頭。有足。有盾之日。衰之日。試分
其赫赫融融。君之天。民之天。不謂之蒼蒼莽莽。時雨漂
梁。殿灑潤。飛甘薰風人。舜絃阜財解慍。嶸州霜甘且碧。

化○國○日○舒○以○長○若○幢○若○蓋○客○占○天○子○之○雲○如○鏡○如○鈎○人○
望○使○君○之○月○大○風○入○夢○舉○賢○相○於○帝○庭○積○雪○侵○肌○臥○忠○
臣○於○邊○地○滂○沱○者○數○日○淋○明○皇○車○上○之○鈴○霹○靂○今○一○聲○
失○先○主○手○中○之○筋○雲○犇○鐵○騎○杜○句○可○嘉○電○掣○金○蛇○蘇○詩○
有○味○五○星○聚○東○井○漢○高○之○業○忽○興○兩○日○盪○中○天○宋○祖○之○
基○崛○起○荀○陳○聚○而○德○星○爛○朱○陸○談○而○文○雷○鳴○孔○子○成○春○
秋○長○虹○化○玉○梁○僧○講○佛○法○天○雨○飛○花○雄○風○拂○宋○玉○之○襟○
有○懷○信○爽○湛○露○沾○周○王○之○宴○不○醉○無○歸○

唐彙函云兜率以雷聲作歌頌音闍浮提以雷聲作

海潮音道家則以雷聲作玉虎晨鳴五經通義云

月中有兔與蟾蜍兔陰也蟾蜍陽也而與兔並明陰

係於陽也爾雅云微風曰颺風疾風曰颺風亦曰

扶搖颺同颺音搜莊子云風一西一東孰噓吸是

孰披拂是藝文云暴雨謂之凍小雨纔落曰霽雨

又雨之小者曰霰霰音麥詩云益之以霰霰音既優既渥音

文粹云金莖沆瀣清絕無塵沆音搜神記云律令

雷邊小鬼善疾走故道家咒符者輒云急急如律令

雷邊小鬼善疾走故道家咒符者輒云急急如律令

詩云月離于畢。俾滂沱矣。蓋畢宿喜雨故云。左

傳昭公十八年有星孛于辰。申須曰。諸侯其有火災。

乎。鄭裨竈曰。鄭若用瓘。瓘玉瓚。厥之必不火。子產曰。天道遠。人道邇。非爾所及也。霍亂雷師太乙司造。

化之神。孔子出遊。見兩小兒辨日。一曰。日初出如。

車輪。其中時乃如盤。此遠者小。近者大。一曰。日初出。

時蒼蒼涼涼。其中時如探湯。此近者熱。而遠者涼。孔。

子不能決焉。蜀志曰。吳使張溫來聘。溫問秦宓曰。

天有頭乎。宓曰。有頭在西方。詩云。乃睠西顧。溫曰。天。

有耳乎。密曰：天處高而聽卑。詩云：鶴鳴於九臯，聲聞於天。溫曰：天有足乎？密曰：詩云：天步艱難，若其無足，何以能步？溫曰：天有姓乎？密曰：姓劉。溫曰：何以知之？密曰：其子姓劉，以此知之。左傳：鄧舒問於賈季曰：趙衰、趙盾孰賢？對曰：趙衰冬日之日也，趙盾夏日之日也。冬日之日可愛，夏日之日可畏。說苑：齊桓公問管仲：君何所貴？對曰：貴天。桓公仰觀天，仲曰：非蒼蒼莽莽之天也。君人者以百姓爲天耳。梁大同中，驟雨有襍色寶珠，虞寄上瑞雨表云：飛甘灑潤，玉散珠聯。山海經

云謙州之霜色碧其味甘甜潛夫論云化國之日

舒以長亂國之日促以短史記范增說項羽曰吾

望沛公其上有雲如車蓋爲龍虎成五采此天子氣

也王十朋上郡守詩云人望使君如望月但須如

鏡莫如鈎帝王世紀黃帝夢大風披拂道路之塵

因舉風后爲相其國大治阜財解慍食德唐明

皇避祿山之亂西幸蜀入斜谷霖雨彌旬於棧道中

聞鈴聲與山相應悼念貴妃因採其聲爲雨淋鈴之

曲以志深恨焉華陽國志曹操嘗與劉先主共坐

從容謂先主曰。天下英雄。惟使君與孤耳。本初之徒。不足數也。先主方食。聞雷失匕。飭曰。聖人言。迅雷必變。良有以也。一震之威。乃至於此。杜牧詩云。雲奔鐵騎。千山合。雨挽銀河。一夜傾。電光時掣紫金蛇。坡公詩。漢高祖紀。元年冬十月。五星聚東井。蓋京井。素分野。五星聚其處。後應漢祖之興云。宋太祖將受命時。日下後。有一日。黑光摩盪。苗訓善觀天文。指示楚昭輔曰。此天命也。是夜果陳橋兵變。世說。陳仲弓詣荀季和。貪儉無僕役。乃使元方將車。季方

持杖後從長文尚小載著車中既至荀使叔慈應門
慈明行酒餘六龍下食文若尚小坐著膝前於時德
星聚太史奏五百里內有賢人聚陸象山與朱文
公講道白鹿洞中時白晝雷鳴孔子修春秋著孝
經既成有赤虹自上而下化爲黃玉上有刻文孔子
乃跪而受之梁高僧講經於同泰寺時天雨寶花
繽紛而下宋玉風賦楚襄王遊蘭臺之宮有風颯
然而至王披襟當之曰快哉此風宋玉曰此獨大王
雄風耳庶人安得共之詩云湛湛露斯匪陽不晞

厭厭夜飲不醉無歸

天玄四

雪。花。六。出。瑞。應。豐。年。星。象。三。台。祥。符。顯。秩。參。在。卯。商。在。
酉。厥。位。攸。分。畢。好。雨。箕。好。風。其。躔。自。別。八。風。忽。動。萬。竅。
怒。號。四。象。相。推。羣。生。樂。育。通。明。殿。上。紅。雲。擁。玉。帝。之。居。
溟。渤。海。中。明。月。射。蛟。人。之。室。礮。車。雲。起。江。頭。賈。客。收。帆。
舶。趲。風。生。海。上。商。人。返。棹。雷。部。舉。謝。仙。火。遺。來。破。柱。之。
斤。銀。河。停。織。女。梭。擲。下。支。枝。之。石。滹。沱。冰。凍。却。知。光。武。
已。無。虞。牛。渚。月。明。誰。識。袁。宏。偏。自。樂。白。雪。舞。庭。前。之。柳。
絮。謝。女。吟。詩。綠。雲。結。野。外。之。花。葩。軒。轅。作。蓋。太。行。雲。悲。

生游子藍關雪愁絕孤臣風動試傳聲簷角動岐王之
鐸月斜還有影樓頭照江泌之書惠露沾吳民歌郡政
使星入蜀客問京輶深邃九關開陶侃快天門之入婆
娑數娥舞明皇喜月殿之遊戴星出戴星入勤矣巫君
之作宰御風往御風還飄然列士之登仙吳公敬天帝
怒時程子知雷公起處趙雲如牛魯雲如馬秦雲如行
人孰非造化微機箕宿孕說昴宿孕何庚宿孕李白總
是乾坤瑞氣飲墜露於楚畹方嗟屈子之清乘白雲於
帝鄉更羨唐堯之逸

事文類聚云凡花屬陽皆五出。惟雪花六出。屬陰也。六出猶六瓣。天文志云魁下六星兩兩而比者曰三台在人則爲三公。左傳高辛氏有二子伯曰閼伯季曰實沈日尋干戈以相征討上帝遷閼伯於商丘主辰遷實沈於大夏主參箕畢二宿名箕主風畢主雨尚書洪範云庶民惟星星有好風星有好雨。八風者冬至廣漠風立春條風春分明庶風立夏清明風夏至景風立秋涼風秋分閭闔風立冬不周風。四象青龍屬春朱雀屬夏白虎屬秋玄武屬

冬卽四時也。東坡詩云：侍臣鵠立通明殿，一朵紅雲捧玉皇。通明殿，玉帝所居殿。鮫人，居海中織綃，出賣於人間者。宋鮑照月賦云：射鮫人之室兮，波光澄。國史補云：暴風之作，有礮車雲起。故坡詩有云：今日江頭天色惡，礮車雲起風欲作。風俗通云：吳中五月時，東南風謂之舩趨風。海外舩船回禱於神而得之。舩音白 趨音掉宋真宗朝，玉真觀爲天火所焚，惟留一柱，有謝仙火三字。有道士過曰：謝仙者，雷部鬼也。視柱間有一斧，乃雷斧也。述異記云：昔有人

尋河源見一婦人浣紗問之曰此天河也拾一石而
歸問嚴君平君平曰此織女支機石光武爲王郎
所追至滹沱河吏曰無船王霸曰冰堅可渡比至河
水果合人騎渡畢其冰乃解晉謝尚秋夜汎牛渚
會袁宏在舟中笑咏謝問之曰袁臨汝即遂過袁舟
談論達旦世說謝安冬月集子女論文會大雪公
曰白雪紛紛何所似兄子朗曰撒鹽空中差可擬女
姪道韞曰未若柳絮因風起安大喜曰柳絮才高不
道鹽

軒轅作蓋
詳見前篇

唐狄仁傑登太行山反顧白雲

孤飛曰言親舍其下徘徊瞻悵久之青瑣集韓退
之姪湘有仙術退之在朝暇日湘種頃刻花上擁出
一聯云雲橫秦嶺家何在雪擁藍關馬不前未幾退
之言佛骨貶潮州至藍關遇雪道窮馬不能行俄有
一人冒雪而來乃湘也始憶花上之句嗟嘆久之爲
續其詩開元遺事岐王宮於竹林內懸碎玉片每
夜聞相觸之聲卽知有風名占風鐸北齊江泌苦
學家貧無油夜嘗對月而讀月斜去猶倚梯於樓頭
挹月光讀之唐文粹美都守碑云惠露沾吳仁風

扇越。後漢和帝遣二使觀風俗。才卻知天文術。夏
夜露坐。因問二使曰。君發京師。知二使來乎。二人驚
問。故卻曰。二使星。今臨益州。是以知之。姚韜音陶侃
夢生八翼。飛而上天。見天門九重。登其八。惟一門未
得入。後爲八州都督。唐明皇與葉靖天師同遊月
宮。見素娥十餘人。舞於大桂樹下。呂氏春秋云。宓
子賤尹。單父鳴琴不下堂。而治。巫馬期戴星出入。而
單父亦治。巫馬期問其故。宓曰。子任力。我在。人在。力
者。勞任人者逸。莊子逍遙遊篇。夫列子御風而行。

冷然善也。旬有五日而後返。藝文志云吳武陵曰
雷硤電射天之怒也。不可不敬。邵子謂程子曰子
知雷起處乎。程子曰某知之。堯夫不知也。堯夫曰子
以爲起於何處。程曰起於起處。堯夫乃矍然稱善。
兵書云趙雲如牛。楚雲如日。宋雲如車。魯雲如馬。衛
雲如犬。秦雲如行人。齊雲如絳衣。蜀雲如倉囤。其各
國之分象不同如此。事文云傅說孕箕宿而生。蕭
何孕昴宿之精而生。李太白孕長庚星而生。自古賢
哲之降生其不偶蓋如此。楚辭朝飲木蘭之墜露。

夕○養○秋○菊○之○落○英○
史○記○華○封○人○謂○堯○曰○夫○聖○人○
鶉○居○而○鰌○食○天○下○有○道○與○物○皆○昌○乘○彼○白○雲○至○於○帝○
鄉

地理

明主當陽邊。無舉燧。聖王御世。海不揚波。秦地關河百
二重。於今猶爾。呂梁懸水三十仞。從古已然。王氏洗硯
池。尚留墨汁。關公拖刀嶺。不沒鋒痕。金城湯池。美矣并
州之形勝。蠶叢鳥道。異哉蜀國之山河。石季倫金谷園。
中百卉。百花具備。李德裕平泉莊。上一石。一木皆奇。臺
聳雨花。萬年勝槩。山高天目。千古奇觀。隱隱客帆。風浪
過女兒浦口。浮浮漁艇。煙波弄新婦磯頭。輞川地上。摩
詰圖赤壁崖。入子瞻賦。長房舉鞭。縮地覽世界於目前。

馬○援○聚○米○爲○山○析○邊○陲○於○指○下○傳○巖○舊○址○英○雄○作○霖○雨○
之○區○渭○水○故○基○豪○傑○飛○熊○羆○之○處○雨○中○春○樹○萬○人○家○俗○
還○雅○道○雲○裏○帝○城○雙○鳳○闕○地○控○上○游○路○之○險○羊○腸○灘○之○
凶○虎○臂○有○客○自○恒○山○去○取○諸○侯○傳○國○之○符○是○誰○從○天○漢○
來○拾○織○女○支○機○之○石○石○城○若○固○王○濬○平○吳○劍○閣○雖○雄○鄧○
艾○入○蜀○高○陽○池○上○僉○曰○山○公○之○醉○鄉○猗○玗○洞○中○或○云○浪○
叟○之○隱○室○無○爲○軍○有○石○奇○異○米○芾○之○丈○人○八○公○山○多○草○
歲○蕤○謝○玄○之○士○卒○讓○水○廉○泉○武○鄉○文○里○俗○醉○於○漢○郡○何○
如○沙○汀○月○渚○煙○樹○晴○嵐○景○美○於○瀟○湘○可○紀○一○石○若○船○橫○

洛浦年年陸地載煙霞五峰如指秀炎州夜夜銀河浣
星斗鸚鵡谷中水澄清處可十年豐鸛鵲洲上沙颺起
時卽占世亂問長安宮中景致千條弱柳垂青鎖百轉
流鶯遶建章看江陵浦口風光一灣芳草護龍洲雨斂
垂楊遮虎渡

凡邊火晝曰烽夜曰燧史記周成王時越裳氏重
譯來朝貢白雉謂曰天無烈風淫雨海不揚波已三
年矣意者中國有聖人乎秦關百二重唐人詩
莊子達生篇云孔子觀於呂梁縣水三十仞流沫四

十里。無錫開利寺。相傳爲王羲之宅。有觀鵝亭。及洗硯池。池水尚黑。後人詩云。魚出波間頻。篆字花飛水面自成文。關公出許昌。往古城。至盤蛇嶺。路小不能過。二嫂車以刀劈破之。名拖刀嶺。刀痕迄今尚新。北史唐邕明敏。有治世才。仕齊。除中書舍人。文宣登童佛寺。望并州城。或曰此金城湯池也。帝曰。我謂唐邕是金城。此非也。蜀國之先。所封曰蠶叢。古詩云。蠶叢及魚鳧。開國何茫然。鳥道者。小徑僅容鳥過也。石崇金谷園。在河陽。去洛城六十里。滕王閣。

序蘭亭已矣。梓澤丘墟。梓澤卽金谷園別名。唐李
德裕平泉莊。花石俱奇。而醉石醒石尤珍重。自作記
云。以平泉莊與人者。非吾子弟也。以一木一石與人
者。非佳子弟也。雨花臺在金陵。以梁僧講經。天雨
寶花。故名。天目山在浙江。唐人詩。天目雨中奇。
女兒浦在鄱湖。曾棨曾賦詩云。當初知是誰家女。後
來嫁作誰家婦。嫁時湖上墮弓鞋。至今尚想凌波步。
我欲回頭問小姑。小姑迢迢隔重湖。新婦磯在楚
地。王維字摩詰。居輞川。白圖其景。更賦有詩。人謂

其詩中畫畫中詩昔有病瘡者觀之而愈赤壁在黃州蘇子瞻遊其地作前赤壁後赤壁二賦神仙傳云費長房學術於壺公壺公問所欲對曰欲覽盡世界耳壺公與之以縮地鞭一縮千里後化龍而去光武欲征西羌問於馬援援聚米爲山谷帝覽之大喜曰盡在吾目中矣高宗夢上帝賚以良弼物色求之得傅說於版築之間舉以爲相命之曰朝夕納誨以輔台德若金用汝作礪若濟巨川用汝作舟楫若歲大旱用汝作霖雨文王出獵夢飛熊散宜

生曰非龍非豎非熊非熊所獲者良佐耳獵於渭濱
得太公遂以後車載之而歸王維春望詩云渭水
自縈秦塞曲黃山舊遶漢宮斜鑾輿迥出千門柳閣
道迴看上苑花雲裏帝城雙鳳闕雨中春樹萬人家
爲乘陽氣行時令不是宸遊玩物華羊腸狹小之
徑水經注云江水東流魚腹縣南又經羊腸虎臂
灘漢楊亮爲益州刺史至此而覆舟蜀人又名爲使
君灘史記趙簡子謂諸子曰吾藏寶符於恒山得
符者爲侯諸子競往無所得無恤曰恒山臨代代可

取也。簡子曰：「是知符矣。」遂立爲侯。

支機石
詳天文

石城

石頭城也。劉夢得金陵懷古云：「王濬樓船下益州，金

陵王氣黯然收。千尋鐵鎖沉江底，一片降旗出石頭。」

劔閣，劔關也。三國志：吳有長江之險，蜀有劔閣之

固。晉山簡爲荊州時，日遊習家園池，酣醉而歸。恒

曰：「此我高陽池也。」故好飲者謂高陽酒徒。唐元結

逃亂入深山，居猗玗洞中，稱猗玗子。元結又自號浪

叟。米元章知無爲軍，州廨中有奇石，甚異，拜而禮

之，謂之石丈人。秦符堅以傾國之師伐晉，晉以謝

玄帥師禦之屯兵八公山堅望見八公山草木以爲
皆兵驚曰是亦勍敵也

蕤音威
蕤音縈

南史范柏年漢中

人宋明帝因與論廣州貪泉遂問曰卿鄉中有此水
否對曰臣漢中惟有文里武鄉廉泉讓水帝問卿之
居何在對曰臣在廉讓之間瀟湘有八景謂山市
晴嵐漁村落照江天暮雪煙寺晚鐘平沙落雁遠浦
歸帆瀟湘夜雨洞庭秋月地輿志云牂牁郡有一
石如船號石船宋人有詩云雲作帆兮虹作纜年年
陸地載煙霞炎州五指山丘瓊山詩云五峰如指

翠作連。撑起炎州半壁天。夜浣銀河濯星斗。朝探碧落弄雲煙。雪堆玉笋空中見。月出明珠掌上懸。想是巨靈伸一臂。遙從海外數中原。
唐書新豐鸚鵡谷水多濁少。清清則五穀豐熟。唐書云。鉅野有鸛鵲洲。多白沙。雖大風不颺。若颺則刀兵起焉。千條弱柳垂青鎖。二句唐賈至早朝詩。宋張景公安人仁宗名見。問曰。卿在江陵有何景。對曰。兩岍綠楊遮虎渡。一灣芳草護龍洲。問食何物。對曰。新粟米炊魚子飯。嫩蘆笋煮鰲裙羹。

地理二

赤縣卽曰神州。穹廬乃爲邊地。二酉固藏書之所。五陵
實聚賢之都。三姑石響徹金鑪。五老峰秀堪圖書。雕
二水。天地文章理石片。紋山川秀氣。使君之灘。騰有封
姨鼓浪。孝子之石。豈無風伯清塵。灩澦堆如象如馬。孰
能飛下。渾沌竅不耳不目。田爲鑿開。山曰磨笄。代夫人
怨。竟聳出。泉名卓錫。景禪師法手。濬來山。列二華。日月
星辰。最近水。涵四德。智仁勇義。兼全桂山。多玉笋。瑤簪
潼關。是銅城鐵壁。望夫石。無人呼喚。不歸家。抱子磚。有

客。瑤。磨。猶。在。地。雁。門。紫。塞。將。軍。征。戰。之。場。玄。圃。閼。風。仙。
子。遨。遊。之。境。九。華。便。當。尤。物。二。室。卽。檀。靈。巖。五。丁。鑿。破。
金。牛。路。蜀。國。空。虛。二。水。中。分。白。鷺。洲。吳。陵。壯。麗。灘。云。金。
瀨。牛。僧。孺。鴻。鴻。飛。來。地。曰。檀。溪。劉。先。主。的。盧。跳。過。二。十。
四。橋。風。月。獨。數。廣。陵。七。十。二。峰。煙。霞。雅。稱。南。嶽。誰。人。懷。
壯。志。直。將。長。劍。倚。崆。峒。若。個。起。雄。圖。更。用。泥。丸。封。函。谷。
地。輿。志。云。崑。崙。崙。東。南。方。五。千。里。曰。神。州。中。有。和。美。鄉。
帝。王。之。宅。聖。人。所。居。二。西。大。西。小。西。山。也。在。辰。州。
石。穴。中。有。書。千。卷。相。傳。秦。人。肄。學。於。此。五。陵。者。漢。

高帝長陵。惠帝安陵。景帝陽陵。武帝茂陵。昭帝平陵。坡詩云。五陵多豪傑。地輿志云。南康有三姑之石。

響聲若金鏞。地輿記云。廬山有五老峰。秀插雲漢。

李青蓮嘗賦有五老峰秀筆洋瀾作硯池之句。述

異記。雕渙二水。波紋皆五色。故陳琳書云。遊雕渙者。

學藻繪之綵。雲南大迹石中有鳥獸花草之狀。人

取以爲屏。使君灘詳前篇封姨風神也。賸卽判字。蜀中記。晉隗叔

通。楚人也。性至孝。母每食。必須江水。水深難汲。一旦

水中石出。便於汲水。至今尚在江中。號孝子石。蜀

中記灩澦堆在瞿塘口。波濤迅激。諺曰。灩澦大如象。瞿塘不敢上。灩澦大如馬。瞿塘不可下。莊子倏忽。南北二帝也。遇渾沌。帝待之甚厚。倏忽謀欲報之。謂渾沌曰。人皆有七竅。此獨無。試鑿一竅。七日而渾沌死。言不順自然而強開耳目也。史記趙襄子姊爲代王夫人。襄子請代王。使厨人操銅斗擊殺之。平代地。其姊泣而呼天。磨笄自殺。因名其地爲磨笄山。梁景泰禪師居惠州寶積寺。無水師。卓錫於地。泉湧數尺。唐子西有卓錫泉記。二華謂太華少華之山。

西方之嶽也。子華子曰：水有四德：沐浴羣生，澤流萬物，仁也；揚清激濁，蕩去滓穢，義也；乘而難犯，弱而能勝，勇也；導江疏河，惡盈流謙，智也。范至能桂林志云：桂山千峰突兀，傍無延際，平地崛起而獨立。王笏瑤纂：誠當天下第一。武昌北山有望夫石，相傳昔征婦送夫從役，立望之，化爲石。顧現有詩云：望夫處，江悠悠，化爲石，不回頭。山頭日月風和雨，行人歸來石應語。宋末元兵犯永新城，譚姓有婦趙氏，抱兒匿學校中，爲悍卒所獲，欲污趙。趙罵不絕口，與兒

遇害血漬禮殿兩楹間。入磚成婦人抱子狀。久之如
新縱磨煨之不去。秦築長城其土赤曰紫塞。崑
崙山有閭風玄圃。仙子所居。九華山在池州。九峰
如蓮華。號九華。劉禹錫曰。九華山自是天地一尤物。
二室謂南嶽山太室少室二洞。史記秦欲吞蜀。
詭言牛能糞金。欲獻蜀無路。蜀使五力士開路。秦得
伐蜀。故史詩云。五丁不鑿金牛路。秦惠何由得併吞。
李白金陵眺望詩云。三山半落青天外。二水中分
白鷺洲。
鴻鵠詳
文職篇

的盧先主之馬。先主爲人所襲。

馬至檀溪一跳而過。揚州有二十四橋。杜詩云：二十四橋明月夜。玉人何處教吹簫。衡山有七十二峰。巒極爲秀麗。宋玉爲大言曰：長劒倚天外，彎弓掛扶桑。又李詩：長劒倚崆峒。後漢書云：隗囂將王元謂囂曰：請以一泥丸爲大王東封函谷關。此千載一時也。囂壯其言。

地理 三

名山五嶽仙島十洲。五嶽中、異木怪石爭奇。十洲上、瑞
草琪花競秀。弱水三千里、迴繞蓬萊。巫山十二峰、雄吞
蜀國。紋石是補天妙劑。高峰爲鎮地、巍樞瀑布、巔頭懸
蒼碧。空中垂白練。君山湖內、翠水晶盤裏、擁青螺九折
坂。是王陽畏途。七里灘、乃嚴光樂地。長河不息、豈無砥
柱。障狂瀾、大海無涯。別有尾閭、銷巨浸。掌痕具在、是誰
擘破首陽胸。次悠然有客、吞殘雲。夢美矣、長春苑內、佳
景常新。奇哉不夜城中、清光未暝。吳江浩蕩者、天並秦

嶺嵯峨者。坤維鞋山。踢波浪千層。洗清步武。筆岫弄煙霞。五色絢出文章。貞女峽。石化美人身未死。妬婦津。浪漂艷女性。猶生里。專勝母之名。曾參返旆。邑擅朝歌之號。墨子廻車。節槩萬夫雄。壯士蹶山前之石。工夫三伐。用愚公徙戶外之山。君子鄉有彬彬正士。高陽里多濟濟賢人。橋曰銷魂。亦曰盡情。總是離人留戀處。園云離垢。亦云獨樂。悉爲高士宴遊區。安邑玉杯地。破則難全。潤州鐵甕城。牢而不拔。二十四橋環好郡。風月濔濔。八千里路透神京。煙塵渺渺。貪泉不貪於貞士。止見吳公。

穢里弗穢於潔夫。聊觀賴子不毛山。未堪育獸多岐路。畢竟亡羊。島中應有國。波外恐無天。渤海其莫量乎。只有天在上。更無山與齊。華山其最高者。

五嶽者。東嶽泰山。西嶽華山。南嶽衡山。北嶽恒山。中嶽嵩山也。海中有十洲。祖洲。瀛洲。玄洲。炎洲。長洲。元洲。流洲。生洲。鳳麟洲。聚窟洲。是也。此皆仙人所居。上有瑤草琪花。及返魔之草云。蓬萊山在渤海中。環以弱水三千里。其水毛亦不能載。山中皆仙子所居。故凡人不能飛昇者莫至。巫山在四川夔州。

府有十二峰巒極秀。上古巫咸隱居於此。故號曰巫山。唐人咏遠山詩。嗟峨天一柱。秀麗海三峰。此亦巍樞之意。李白咏廬山瀑布泉詩云。日照香爐生紫煙。遙看瀑布掛晴川。飛流直下三千丈。疑是銀河落九天。君山在洞庭湖中。劉禹錫詩云。湖光秋色兩相和。潭面無風鏡未磨。遙望洞庭山水翠。白銀盤裏一青螺。九折坂最險。王陽爲益州刺史。至其處。嘆曰。奉先人遺體。奈何數乘此險。後王尊過其處。叱御進曰。此非王陽所畏處耶。人謂王陽孝子。王尊忠。

臣。七里灘在浙江嚴光隱釣之處。水經砥柱山
禹鑿之以通河。河水分流包山而過。山見水中若柱
然。故云砥柱。十洲記云海中沃焦山卽曰尾閼有
石濶四萬里厚四萬里海水悉從其下而洩卽如人
身之尻也。述異記西華山與首陽山本同一山河
神巨靈乃擘開之以通河流其掌跡猶在焉。司馬
相如賦云吞雲夢者八九胸中曾不蒂芥言度量之
宏也。雲夢楚澤名。坡詩云風花誤入長春苑雪
月交輝不夜城。漢地理志云古有日夜出於東萊

郡故萊子立此城以不夜爲名云。藝文志云長江之險曰天塹。言若天設坑塹界限域中也。李太白秦嶺賦爲天之樞爲坤之維。鞋山在鄱陽湖中。宋人有詩云飛瓊乘醉出天關墮下弓。鞋千古存。若使當年添一隻雪花浪裏浴雙鴛。涿郡有筆峰宛然若筆。宋人題詩云紫霧凝成應濡墨。彩雲籠處便生花。一天星斗晴光睽。絢出文章自一家。秦時有女子化爲石在崖穴中人呼爲貞女。峽韓昌黎有詩記之。姒婦津在臨濟。昔劉伯玉妻性妬沉水而死得。

爲水神有美婦渡水者輒風浪暴起推醜婦不然號

曰妬婦津古語云里名勝母曾子不入邑號朝歌

塞子廼車謂嫌乎其名也唐書李嗣業討勃律通過葱嶺

有大石塞隘嗣業以足蹶之其石直抵窮壑人以爲

精誠所感列子大行王屋二山愚公年九十面山

而居惡而欲徙之或曰子老矣愚公曰我死有子有

孫山不加增何苦而不平山神聞之懼告於帝帝命

夸娥氏二子負山一措朔東一措雍南後漢王列

字彥方以義行化鄉里皆爲善士人號君子鄉一後

漢書昔高陽氏有才子八人。荀淑亦有才子八人。人
稱其里爲高陽里。長安灞陵橋送客者至此而別。
號銷魂橋。陽安有橋送別之所。號情盡橋。雍陶乃改
爲折柳橋。司馬溫公有園曰。衡樂園。南宋劉慧斐
構園曰。離垢園。時人目之爲離垢先生。類說云。長
安永寧坊東南是金盞地。破可復完。安邑里西是玉
杯地。一破則不完矣。潤州有城其堅不可拔。號鐵
甕城。蓋孫權之所築者。二十四橋
詳見前篇唐人詩云。三
十六峰朝帝闕。八千里路透神京。晉書云。廣州有

食泉父老云飲此水者多貪吳隱之爲州刺史飲泉
賦詩云古人云此水一飲懷千金試使夷齊飲終當
不易心其清操愈厲齊書劉繪爲南康相都人有
姓賴者所居名穢里投刺謁劉劉嘲之曰君有何穢
居穢里賴答曰未審孔子何闕而居闕里繪嘆其應
辨之速不毛山不生草木之山列子云楊子之
鄰人亡羊追之遽返人問故答曰岐路之中又有岐
焉吾不知其所之楊子曰大道以多岐亡羊學者以
多方喪生唐人咏海詩云島中應有國波外恐無

天欲作乘槎客。翻思去隔年。寇準七歲時咏華山詩云。只有天在上。更無山與齊。舉頭紅日近。回首白雲低。其師覽之。謂其父曰。賢郎怎不作宰相。後果相。

真宗

時令

春○秋○謹○於○五○始○董○子○重○平○三○餘○中○和○節○日○麗○風○暄○安○饒○
辰○冰○寒○雪○近○旅○雁○飛○來○千○里○外○帶○得○寒○回○子○規○啼○徹○四○
更○時○捉○得○春○去○九○秋○授○禦○寒○服○自○古○已○然○三○月○上○踏○青○
鞋○於○今○不○改○親○明○相○問○訊○綵○勝○還○簪○人○日○花○士○女○恣○嬉○
遊○金○吾○不○禁○元○宵○漏○元○日○獻○椒○花○之○頌○爰○祝○聖○齡○清○明○
改○榆○火○之○煙○恰○遇○天○運○雙○柑○斗○酒○雅○稱○春○遊○對○影○三○人○
儘○堪○夜○飲○鞦○韆○戲○寒○食○半○天○飛○下○玉○人○來○燈○火○賞○元○宵○
平○地○擁○將○珠○斗○出○端○陽○競○渡○果○然○奪○得○錦○標○歸○九○日○登○

高○畢○竟○不○妨○烏○帽○落○人○日○臥○含○章○簷○下○壽○陽○試○學○協○姓○
中○秋○過○牛○渚○磯○頭○謝○尚○細○吹○竹○笛○春○色○詩○觀○之○曄○若○秋○
聲○賦○聽○之○竦○然○上○苑○催○春○花○乎○花○乎○莫○負○韶○光○好○南○樓○
愛○月○子○兮○子○兮○如○此○良○夜○何○葛○仙○吐○火○驅○寒○戶○牖○三○冬○
亦○煖○吳○質○浮○瓜○避○暑○吸○塘○九○夏○爲○秋○蜀○丞○相○殫○忠○勤○五○
月○孤○軍○渡○瀘○水○狄○將○軍○攄○妙○算○上○元○三○鼓○奪○崑○崙○清○秋○
節○君○王○歌○汾○水○辭○媚○景○時○士○子○序○蘭○亭○記○望○杏○課○農○瞻○
蒲○楊○橋○喜○屬○春○陽○紉○蘭○爲○佩○製○芟○爲○衣○怡○驚○秋○晚○歲○華○
冉○冉○依○稀○赴○壑○之○蛇○人○事○匆○匆○恍○惚○絕○塵○之○駛○或○曰○寸○

陰尺璧我云一刻千金

王褒頌春秋法五始之要謂元者氣之始春四時之始王受命之始正月政教之始公卽位一國之始也魏略董遇好學語從學者云當先讀書百遍而義自見從學者云苦無日遇曰以三餘謂冬者歲之餘夜者日之餘雨者晴之餘唐李泌以二月朔爲中和節以青囊盛百穀瓜李種相遺問閭里釀宜春酒祭勾芒百官進農書楊雄甘泉賦云馳閭闔而入凌競言寒涼戰栗之處賀方回調云天邊旅雁一羣飛帶

得寒歸遠渚。杜宇爲催春之鳥。故古詩云。杜宇一

聲。春事閑。詩云。七月流火。九月授衣。歲時說云。

唐人上巳日。祓飲水濱。謂之踏青。盧公儀紀云。三月

三日。上踏青履。歲時記云。正月七日。爲人日。剪綵

勝。爲人。鏤之以金。親朋以此相遺。取改舊從新意。

蘇味道元夕詩。火樹銀花合。星橋鐵鎖開。暗塵隨馬

去。明月逐人來。遊妓皆穠李。行歌盡落梅。金吾不禁

夜。玉漏莫相催。金吾禁夜之官晉劉琨妻陳氏元日獻椒

花頌云。美哉靈葩。爰采爰獻。聖容映之。永壽於萬。

六帖云春取榆柳之火以順陽時又云改火之
唐人詩云改火試榆烟世說唐戴顓字仲若春日
攜雙柑斗酒人問其故答曰往聽黃鸝聲此俗耳鉞
砭詩腸鼓吹李白酒飲詩云舉杯邀明月對影成
三人鞦韆乃北方戎戲以習輕矯者唐人詩云
架雙栽翠絡偏佳人春戲小樓前飄揚血色裙拖地
斷送玉容人上天王禹偁元夕詩疑是東君尋春
色彩雲移下一天星唐盧肇袁州人與同郡黃姓
者共赴舉郡守獨餞黃肇因觀競渡賦詩云剛道是

龍君不信果然奪得錦標歸。後肇中狀元郡守乃大
慚。桓溫九日宴繁佐於龍山。風吹孟嘉帽落。嘉不
之覺。溫勅左右勿言。以觀舉止。嘉良久。溫令取還之。
令孫盛作文嘲嘉。嘉亦答文甚美。南宋武帝壽陽
公主。人日臥含章簷下。梅花落額上。成五色。拂之不
去。宮中學梅花粧。唐寇平仲春色詩云。波渺渺。柳
依依。孤村芳草合。斜日杏花飛。輕烟淡抹。青山外。却
有人家懸酒旗。歐陽永叔作秋聲賦。武后遊上
苑。傳檄云。明朝遊上苑。火速報春知。花須連夜發。莫

待曉風吹

謝尚吹笛廣亮愛月俱詳天文

晉葛仙翁於冬月

寒之時請客口中吐火一室如春坐客皆袒衣吳

質夏月間與賓朋避暑魏文帝與質以書云浮甘瓜

於清泉沉朱李於寒水諸葛亮前出師表云受命

以來夙夜憂慮恐付託不效以傷先帝之明故五月

渡瀘深入不毛宋秋青宣撫廣西敵將儂智高守

崑崙關青至賓州值上元節令大張燈燭首夜宴從

軍樂飲徹曉次夜復宴二鼓時青忽稱疾暫起如內

使孫元規暫主席少服藥乃出數使人勸勞坐客至

曉○各○未○敢○退○忽○有○馳○報○云○是○夜○三○鼓○青○將○軍○已○奪○崑
崙○矣○漢○武○帝○遊○汾○水○秋○風○起○歌○曰○秋○風○起○兮○白○雲
飛○草○木○黃○落○兮○雁○南○歸○晉○永○和○九○年○三○月○三○日○王
羲○之○與○諸○士○子○宴○於○會○稽○之○蘭○亭○爲○流○觴○曲○水○之○樂
因○作○蘭○亭○記○唐○孟○昶○勸○農○詔○有○云○望○杏○課○農○瞻○蒲
勸○穡○楚○辭○云○紉○秋○蘭○以○爲○佩○今○製○芰○荷○以○爲○裳
坡○守○歲○詩○欲○知○垂○盡○歲○有○似○赴○壑○蛇○修○鱗○已○半○沒○去
意○誰○能○遮○况○欲○繫○其○尾○雖○勤○知○奈○何○言○光○陰○迅○速○柳○玘
勉○子○云○寸○陰○尺○璧○安○可○擲○之○他○日○面○牆○悔○之○晚○矣

時令二

條風布煖已識春回桂月生涼漸驚秋老二月有撲蝶
會洵可樂焉元正是礫雞朝彼有取爾報厥生成八蜡
重農人之祭望茲氛祲二分勤太史之古戲馬臺前逢
九日還屬勝遊鬪雞巷裏過清明儘稱樂事潮生八月
廣陵正好觀濤雲暗中秋天柱且堪翫月季鷹恬退秋
風憶故土之鱸曼倩恢諧社日遺細君之肉臘凍而袁
安臥雪冬寒而勾踐懷冰銀河七夕會雙星柳生乞巧
葭屋歲除驅五鬼韓愈送窮燒爆竹於際之夜山鬼咸

驚○列○火○城○於○歲○之○朝○朝○臣○畢○集○火○樹○銀○花○偏○有○焰○元○夕○
奇○觀○瓊○樓○玉○宇○不○勝○寒○中○秋○雅○調○化○日○漸○長○於○冬○至○綵○
添○宮○線○之○紋○和○風○忽○動○於○端○陽○綠○藹○門○蒲○之○瑞○試○觀○時○
序○莫○負○韶○華○第○以○蟋○蟀○漸○近○者○寒○生○鵲○鷗○欲○去○者○暑○退○
又○以○容○雞○不○至○者○歲○歉○獨○春○少○鳴○者○年○豐○問○人○事○可○知○
暮○四○朝○三○惜○流○光○須○念○陶○分○禹○寸○一○日○癸○癸○二○日○栗○烈○
迅○速○今○天○運○如○流○七○月○食○瓜○九○月○叔○苴○艱○難○哉○農○工○惟○
急○陌○頭○楊○柳○黃○金○色○探○春○纔○賦○李○詩○盤○裏○椒○花○綠○蟻○杯○
守○歲○又○賡○蘇○句○

立春之風長養萬物故曰條風。八月曰桂月。杜詩
桂月漸生涼。歲時記云。長安二月間。士女相聚撲
蝶爲戲。名曰撲蝶會。晉書。歲朝殺羊。懸首於門。又
磔雞以副之者。或問伏滔何義。滔答曰。是月土氣上
升。草木萌動。羊。獮。百草。雞。啄。五穀。故殺之以助生氣。
耳。磔音窄。裂也。蜡者。所以祭百神也。天子大蜡八。蓋蜡
之義。索也。歲十二月合聚萬物而索享之也。八蜡者。
一先嗇。二司嗇。三農。四郵表。五貓虎。六坊。七水庸。
八昆蟲。氛祲見前天文。朱武帝在彭城。九日出項羽戲。

馬臺至今相承以爲故事。玉燭寶典云：寒食節，城市中鬪雞爲戲。語曰：清明前後，鬪雞走狗。唐明皇好爲鬪雞之戲。及卽位，立鬪雞坊。去冬至一百五日，卽有疾風甚雨，謂之寒食。枚乘七發曰：將以八月之望，與諸侯並往觀濤於廣陵之曲江。蓋中秋廣陵潮甚大，故云。唐趙知微有法術，中秋夜陰雨，衆不樂。知微乃攜客上天柱峰，翫月，陟其巔，月色如晝。及下，陰雨復如前。季鷹，張翰字也。秋風忽起，思吳江鱸魚及蓴菜羹，乃歌曰：秋風起兮木葉飛。吳江蓴

美鱸正肥。人生貴在適志耳。何必羈宦數千里。漢
社日。武帝賜諸郎肉。東方朔不待詔。先割之。帝令其
自責。朔曰。割肉不待詔。何無禮也。割之不多。何廉也。
歸遺細君。何仁也。帝笑曰。卿反自譽耳。後漢袁安
貧。有清操。冬月大雪。閉門僵臥。邑宰候之。曰。何臥而
不起。答曰。大雪不宜干。人。吳越春秋句踐欲復吳
讎。炎夏握火。迺冬懷冰。柳子厚乞巧文有云。竊聞
天孫專巧於天。轆轤璇璣。經緯星辰。能成文章云云。
韓愈除夕作送窮文。其路云。聞子行有日矣。躬具

船車載糧糗。日吉時良。利行四方云云。五窮鬼者。謂
智窮。學窮。文窮。命窮。交窮也。西人曰。中有人長丈
餘。名山臊人見。卽病寒熱。但畏爆竹聲。除夕元旦。庭
前爆竹。所以辟山臊惡鬼也。國史補云。元日百官
皆備列燭。至五六百炬。曰火城。坡詩云。萬人爭看火
城還。東坡中秋日作水調歌頭詞。都下傳唱。內侍
錄此。以呈神宗。神宗讀至。又恐瓊樓玉宇高處不勝
寒。上曰。蘇軾終是愛君。唐宮中以女功揆日長短。
冬至後。比常日增一線之功。故杜詩云。刺繡五紋添

羽線。楊誠齋端午詩。門蒲新颺綠盤黍。試傳黃

詩云。五月斯螽動股。六月莎雞振羽。七月在野。八月

在宇。九月在戶。十月蟋蟀入我床下。言寒近漸依人也。鵲

鵲燕也。莊子鳥莫智於鵲。南粵志云。高興縣多

容雞。其形如雞而五采。至則年大豐。獨春鳥名其

鳴聲似春。臨海間以其鳴聲多五穀。必薄。鳴聲少五

穀必豐。莊子齊物論篇。狙公賦芋。朝三而暮四。羣

狙怒。朝四而暮三。羣狙悅。晉書陶侃云。大禹聖人

嘗惜寸陰。至於衆人亦當惜分陰。詩七尸篇。一之

日感發

二之日栗烈

感發風寒也栗烈氣寒也膚音必

詩七月篇

七月食瓜

八月斷壺

九月叔苴

叔拾也

李白探春詩

云聞道春來未相識

走傍寒梅問消息

昨夜東風入

武陽陌頭楊柳黃金色

蘇長公守歲詩瀝瀝仁春

何處來風光忽入後園梅人生莫遣頭如雪盤裏椒

花綠蟻杯

時令三

居諸迭運。暄冷代遷。擊碎土牛。門外報傳臘去。剪成綵
燕宮中。招得春來。五辛盤薦。自元正九子粽。饋於端午。
首春開獻。歲晉公卿。飲白獸之樽。三日啓良辰。唐士女
動。油花之十端。陽異事。鑄鏡於洋子江中。九日勝遊落
帽於龍山會上。五戊宴雞豚。處處飲治醵之酒。七夕陳
瓜果。家家穿乞巧之針。肉陣遮風者。冬無寒。錦棚蔽日
者。夏乏暑。一陽生子月。邵康節試玄酒於杯中。三伏釀
炎蒸。周武王蔭暘人於樾下。母旣死。王修還輟社。師云

亡○宋○玉○獨○悲○秋○端○陽○獻○李○泌○之○身○致○君○賢○宰○七○夕○曬○郝○
隆○之○腹○傲○世○英○賢○歲○華○更○舊○孔○聖○猶○重○古○讎○國○運○屬○新○
陳○咸○不○遵○莽○臘○豪○吟○思○釋○子○夜○分○撞○詠○月○之○鐘○劇○賞○憶○
君○王○春○早○擊○催○花○之○鼓○至○日○泣○囚○刑○清○於○盛○吉○大○寒○罷○
役○政○善○於○齊○君○夢○得○才○奇○未○敢○題○糕○於○九○日○樂○巴○法○妙○
猶○能○喫○酒○於○歲○朝○破○柑○霜○落○瓜○嘗○稻○雪○翻○匙○時○維○十○月○
煮○笋○泣○猫○頭○烹○茶○叫○雀○舌○序○在○三○春○歷○考○歲○時○不○盡○人○
事○葭○灰○飛○動○尚○知○雲○物○無○心○谷○黍○忽○生○又○信○陽○春○有○脚○
居○諸○日○月○也○毛○詩○云○日○居○月○諸○歲○時○記○立○春○前○造○

土牛於大明門外爲壇以祭。至立春時擊之以錢臘。歲時記唐宮中於立春日悉剪綵爲燕貼宜春二字戴之。歲時記元旦薦五辛之盤以辟毒氣。五辛大蒜韭菜。歲時記端午作九子粽取嗣續蕃衍意。雲臺胡荽。王沂公呈帖子云爭傳九子粽皇祚續千春。晉書元會設白獸樽於殿上樽蓋上施白獸若有能獻直言者發此杯飲之。風俗通云池陽上巳日婦女以蘼花點油祝而醺之水中若成龍鳳花卉之狀則吉。謂之油花卜。初學記唐太宗時五月五日揚州於

江心鑄鏡以進。背有盤龍甚異。其鏡可祠雨。故宋臣
撰端午帖子多用其事。王禹玉詩云。紫閣瞳矐隱曉
霞。瑶池九御進菖華。何時又進江心鏡。試與君王却
衆邪。韓詩願爲同社人。雞豚宴眷秋。俗云社日酒
治耳聾。海錄碎事。翰林學士月給內醢。兵部李濤寄
李文公詩云。社翁今日沒心情。爲乞治尊酒一瓶。李濤
小字社翁荆楚歲時記云。七夕婦人登臺上。以綵縷穿
七針。陳瓜果以乞天孫之巧。有蟻蛛絲網於瓜果上。
則以爲得巧。開元遺事。楊國忠冬月選肥妓數人。

圍繞於前。號肉陣遮風。亦謂之肉障。開元遺事。長

安富人至伏暑。以錦結爲涼棚。以避暑。邵康節冬

全詩。玄酒味方淡。太音聲正希。淮南子云。武王蔭

暍人於樾下。而天下懷。暍人熱死之人。樾下樹之交蔭處。暍音謁。晉書

王修於社日。母死。每至社日。不勝嗚咽。鄰里遂爲之

輟社。屈原。宋玉之師也。屈原死。宋玉作九辨辭云。

悲哉秋之爲氣也。蕭瑟兮。草木搖落而變衰。唐書

端午各獻服玩。上謂泌曰。先生何獨無獻。泌曰。自巾

至履。皆陛下所賜。獻者獨惟一身爾。晉書七夕諸

富室皆曬紋綺之衣。郝隆乃向日曝於階下。人問其
故。隆曰。我曬腹中書。王莽篡位。國號新。更漢家伏
臘。陳咸猶用漢天子臘。不從莽臘。曰。我先人豈知王
莽臘乎。唐僧如滿詠月云。團團離海角。漸漸出雲
衢。此夜一輪滿。清光何處無。乃喜極撞鐘。開元遺
事。明皇二月旦。遊上苑。呼高力士取羯鼓。臨軒縱擊。
奏一曲。名春光好。回顧柳杏。皆發笑。謂妃子曰。不喚
我作天工乎。後漢盛吉爲廷尉。至冬至決囚。妻乘
燭。吉持丹筆而泣。妻亦泣。齊景公起人臺。歲寒役

之晏子歌曰庶民之凍我若之何奉上靡役我若之何公曰子殆爲大臺之故乎遂罷其役聞見錄劉

禹錫九日食糕欲題糕詩以五經無此字輟不復作後宋子京因食糕有詩云飈館輕霜拂曙袍糗餼花

飲鬪分曹劉郎不敢題糕字空負詩中一世豪漢

藥巴有法術爲尚書時正月朔朝見帝賜酒不飲向

西南嚬之有司奏不敬巴謝曰臣本縣成都有火患

故嚬酒以救之數日成都果奏火災得雨從東北來

遂息雨中有酒氣嚬音破柑霜落瓜杜公詩烹

茶叫雀舌。黃山谷詩。

後漢曆志冬至候氣之法爲

室周密。布緹縵室中。以木爲案。從其方位。加律管其
上。以葭灰抑其兩端。按律候之。氣至則灰飛。故杜詩
云。吹葭六管動。飛灰。地輿志云。燕地有谷不生五
穀。鄒衍吹律溫氣乃至。黍稷忽生。人因號爲黍谷。